

Na osnovu člana 85. Pravila Ustavnog suda Bosne i Hercegovine-prečišćeni tekst ("Službeni glasnik Bosne i Hercegovine" broj 94/14), u vezi sa članom 4. Pravilnika o načinu prijavljivanja i postupanja po prijavama o nepravilnostima i zaštiti lica koja prijave nepravilnosti u Ustavnom sudu Bosne i Hercegovine broj P-206/14 od 10. aprila 2014. godine, predsjednica Ustavnog suda Bosne i Hercegovine donosi

ODLUKU
o imenovanju Komisije za postupanje po prijavljenim nepravilnostima
u Ustavnom sudu Bosne i Hercegovine

Član 1.

Ovom odlukom imenuje se Komisija za postupanje po prijavljenim nepravilnostima u Ustavnom sudu Bosne i Hercegovine u sastavu:

1. Hasan Mujagić, predsjednik
2. Božana Vasković, član
3. Josipa Musa, član.

Član 2.

Nadležnosti i odgovornosti Komisije, u skladu sa članom 5. Pravilnika o načinu prijavljivanja i postupanja po prijavama o nepravilnostima i zaštiti lica koja prijave nepravilnosti u Ustavnom sudu Bosne i Hercegovine, jesu: primiti informacije o nepravilnostima i sumnjama o nepravilnostima, preduzimati odgovarajuće aktivnosti u vezi s provjerama ili istraživanjima nepravilnosti, obavještavati o preduzetim aktivnostima lice koje je upozorilo na nepravilnost, u pisanom obliku, u roku od 15 dana. Kada je riječ o anonimnom prijavitelju, Komisija nije u mogućnosti da ga izvijesti o preduzetim aktivnostima, ali u svojim redovnim izvještajima će dati informacije o rješavanju anonimnih prijava, pripremati izvještaje o nepravilnostima i dostavljati ih predsjedniku Ustavnog suda s prijedlogom za daljnje mjere i aktivnosti, upravljati dokumentacijom o nepravilnostima, kako bi se održavala i ažurirala arhiva izvještaja o nepravilnostima, evidencija nepravilnosti i popratnih dokaza i dokumenata, te osigurati praćenje postupka istraživanja i rješavanja nepravilnosti, osigurati da se s primljenim dokumentima i informacijama postupa s dužnom pažnjom uz poštivanje relevantnih odredaba internih postupaka, promovirati poštenje i kulturu prijavljivanja nepravilnosti, pratiti i analizirati provođenje korektivnih mjera i o tome izvještavati predsjednika Ustavnog suda, Komisija je odgovorna za provođenje postupka rješavanja, izvještavanja, evidentiranja i praćenja slučajeva nepravilnosti i, također, može predlagati određene korektivne mjere.

Član 3.

Odluka stupa na snagu narednog dana od dana objavljivanja na oglasnoj ploči Ustavnog suda Bosne i Hercegovine i web-stranici Ustavnog suda Bosne i Hercegovine.

Stupanjem na snagu ove odluke stavlja se izvan snage Odluka o imenovanju Komisije za postupanje po prijavljenim nepravilnostima u Ustavnom sudu Bosne i Hercegovine broj P-216/14 od 23. aprila 2014. godine.

Broj: P-23/15
7. januara 2015. godine
Sarajevo

Predsjednica
Ustavnog suda Bosne i Hercegovine
Valerija Galić